



Disposiziuns da promoziun davart la scola media propedeutica (Stadi dals 1. avust 2020)

Art. 6 Part 1 Roms da promoziun

Il roms da promoziun èn l'emprima lingua (Deutsch, rumantsch, italiano), ina lingua naziunala sco segunda lingua, englais sco terza lingua, matematica, biologia, fisica e chemia, geografia, istorgia ed instrucziun civica, art figurativ, musica, psicologia, sport sco era en il segund e terz onn ils trais roms dal champ professional elegì.

Art. 7 Part 1 Cundiziuns da promoziun

In scolar u ina scolara vegn promovì/promovida a la fin da l'onn da scola, sche la summa da las divergenzas da notas sut la nota 4 en tut ils roms da promoziun n'è betg pli gronda che 2.5 puncts minus en l'attestat dal segund semester e sche la media betg arrundada da las notas da promoziun cuntanscha silmain la valita 4.

Art. 9 Admissiun a l'examen final

L'admissiun pretenda per regla d'avair frequentà ina scola media professiunala en il chantun Grischun durant ils dus ultims onns avant l'examen final e prestaziuns suffizientas per ina promoziun en la classa finala.

Tgi che na vegn betg promovì duas giadas, vegn exclus da la scola.

Notas

Las prestaziuns vegnan validadas cun las suandantas mesas ed entiras notas:

- 6 fitg bun
- 5 bun
- 4 suffizient
- 3 insuffizient
- 2 debel
- 1 fitg debel

Absenzas

Il reglement d'absenzas permetta in contingent da lecziuns betg visitadas da maximalmain il dumber dubel da lecziuns emnitas tenor la tavla da lecziuns. La quantidad da lecziuns manchentadas vegn nudada en l'attestat. Sch'il contingent vegn surpassà, succeda ina remartga en l'attestat cun il dumber da lecziuns surpassadas.

Depurtament

Remartgas davart il depurtament vegnan nudadas en l'attestat, sche la direcziun da la scola u la conferenza dals magisters e da las magistras da la classa prendan ina decisiun correspondentia.

Las suandantas indicaziuns vegnan duvradas:

- betg adina cuntentaivel
- betg cuntentaivel

Attestat cun indicaziuns sbagliadas

En cas d'indicaziuns sbagliadas da notas ed absenzas, ston ins inoltrar entaifer il termin da recurs (10 dis suenter che l'attestat è vegnì fatg) ina dumonda da correctura en scrit a la commembra u al commember respunsabel da la direcziun. Suenter ch'il termin da recurs è scadi, na san ins betg pli far correcturas da notas u d'absenzas.